



盛唐彙詩卷第七十九

四唐彙詩二百四十九

長安
振錄
詩
卷
七
十九

新都

吳勉學

編輯

江晏如

校訂

五言律體

行邁

途次陝州

玄宗

境出三秦外途分二陝中山川入虞虢風俗限
西東樹古棠陰在耕餘讓畔空鳴笳從此去行
見洛陽宮

幸蜀西至劔門

玄宗

劔閣橫雲峻鑿輿出狩迴翠屏千仞合丹嶂五
丁開灌木紫旗轉仙雲拂馬來乘時方在德嗟
爾勒銘才

軒遊宮十五夜

玄宗

行邁離秦國巡方赴洛師路逢三五夜春色暗
中期關外長河轉宮中淑氣遲歌鐘對明月不
減舊遊時

扈從御宿池

一題作蘭峰題
張中丞九臯

祖詠

君王旣巡狩輦道入秦京遠樹低槍壘孤峰入
幔城寒踈清禁漏夜警羽林兵誰念迷方客長
懷魏闕情

駕出長安

一作宋
之問詩

王昌齡

聖德超千古皇風扇九圍天迴萬象出駕動六
龍飛淑氣來黃道祥雲覆紫微太平多扈從文
物有光輝

駕幸河東

王昌齡

晉水千廬合汾橋萬國從開唐天業盛入沛聖

恩濃下輦廻三象題碑任六龍睿明懸日月千
載此時逢

江南意

王灣

南國多新意東行伺早天潮平兩岸失風正一

帆懸海日生殘夜江春入舊年從來觀氣象惟

向此中偏

一本作次北固山下云客路青山外
行舟綠水前潮平兩岸潤風正一帆

懸海日生殘夜江春入舊年
鄉書何處達歸鴈洛陽邊

江南旅情

祖詠

楚山不可極歸路但蕭條海色晴看雨江聲夜

聽潮劔畱南斗近書寄北風遙爲報空潭橘無
媒贈洛橋

江行

常建

平湖四無際此夜泛孤舟明月異方意吳歌令
客愁鄉園碧雲外兄弟淶江頭萬里無歸信傷
心看斗牛

五風入永城使風

盧象

長風起秋色細雨含落暉夕鳥向林去晚帆相
逐飛蟲聲出亂草水氣薄行衣一別故鄉道悠

悠今始歸

尋風吹松滋江北阻風野鳥向林闊寬

江風久未歇山雨復相仍巨浪天涯起餘寒川

上凝憂人勞夕惕鄉事憊晨興遠聽知音駭誠

哉不可陵

平賦四泝江至武昌心共別日異六孟浩然

家本洞湖上歲時歸思催客心徒欲速江路苦

遭迴殘凍因風解新正度臘開行看武昌柳髮

髯映樓臺

自洛之越

孟浩然

皇皇三十載書劍兩無成山水尋吳越風塵厭

洛京扁舟泛湖海長揖謝公卿且樂杯中物誰

論世上名

入昌松東界山行

高適

鳥道幾登頓馬蹄無暫閑崎嶇出長坂合沓猶

前山石激水流處天寒松色間王程應未盡且

莫顧刀環

發錦沙村

崔顥

北上途未半南行歲已闌孤舟下建德江水入
新安海近山常雨谿深地早寒行行泊不可須
及子陵灘

奉和杜相公初發京城作 岑參

按節辭黃閣登壇戀赤墀銜恩期報主授律遠
行師野鵲迎金印郊雲拂畫旗叨陪幕中客敢
和出車詩

初至犍爲作 岑參

山色軒檻內灘聲枕席間草生公府靜花落訟

庭閒雲雨連三峽風塵接百蠻到來能幾日不
覺鬢毛斑

赴京途中遇雪 孟浩然

迢遞秦京道蒼茫歲暮天窮陰連晦朔積雪滿
山川落鴈迷沙渚饑鳥集野田客愁空佇立不
見有人煙

過鄭曲 祖詠

路向榮川谷晴來望盡通細煙生水上圓月在
舟中岸勢迷行客秋聲亂草蟲旅懷勞自慰淅

浙有涼風

奔亡道中三首 李白

函谷如玉開幾時可生還洛陽為易水嵩嶽是
燕山俗變羌胡語人多沙塞顏申包唯慟哭七
日鬢毛斑

又

淼淼望湖水青青蘆葉齊歸心落何處日沒大
江西歌馬傍春草欲行遠道迷誰忍子規鳥連
聲向我啼

觀華嶽

祖詠

西入秦關口南瞻驛路連彩雲生闕下松樹到
祠邊作鎮當官道雄都俯大川蓮峰徑上處彷彿
有神仙

途中晴

孟浩然

已失巴陵雨猶逢蜀坂泥天開斜景遍山出晚
雲低餘濕猶霑草殘流尚入谿今宵有明月鄉
思遠悽悽

江南遇雨

張鼎

江天寒意少冬半雨仍飛出戶愁爲聽從風灑
客衣旅覓驚馬處斷鄉信意中微幾日應晴去孤
舟且欲歸

早行

郭良

早行星尚在數里未天明不辨雲林色空聞風
水聲月從山上落河入斗間橫漸至重門外依
稀見落城

曉入南山

孟浩然

瘴氣曉氛氲南山復水雲鯤飛今始見鳥墮舊
來聞地接長沙近江從汨渚分賈生曾弔屈子
亦痛斯文

舟行旦發

張軫

夜帆時未發同伴暗相催山曉月初下江鳴潮
欲來稍分楊子岸不辨越王臺自客水鄉裏舟
行知幾迴

途中曉發

崔曙

曉霽長風裏勞歌赴遠期雲輕歸海疾月滿下
山遲旅望因高盡鄉心遇物悲故林遙不見况

在落花時

晚發五渡

岑參

客厭巴南地鄉鄰劔北天江村片雨外野寺夕
陽邊芋葉藏山徑蘆花雜渚田舟行未可住乘
月且須牽

舟中曉望

孟浩然

挂席東南望青山水國遙舳舻爭利涉來往接
風潮問我今何去天台訪石橋坐看霞色晚疑
是赤城標

寒夜江口泊舟

儲光羲

寒潮信未起出浦纜孤舟一夜苦風浪自然增
旅愁吳山遲海月楚火照江流欲有知音者異
鄉誰可求

夜泊牛渚趨薛八船不及

孟浩然

星羅牛渚夕風退鷁舟遲浦淑嘗同宿煙波忽
間之榜歌空裏失船火望中疑明發泛潮海茫
茫何處期

晚入汴水

崔顥

昨晚南行楚今朝北泝河客愁能幾日鄉路漸
無多晴景搖津樹春風起棹歌長淮亦已盡寧
復畏潮波

巴南舟中夜書事

渡口欲黃昏歸人爭渡喧近鐘清野寺遠火點
江村見鴈思鄉信聞猿積淚痕孤舟萬里外秋
月不堪論

晚泊金陵水亭

祖詠

江亭當廢國秋景倍蕭騷夕照明殘壘寒潮漲

古濠就田看鶴大隔水見僧高無限前朝事醒
吟易覺勞

晚泊潯陽望廬山

孟浩然

挂席幾千里名山都未逢泊舟潯陽郭始見香
爐峰嘗讀遠公傳遠懷塵外蹤東林精舍近日
暮坐聞鐘

泊揚子津

祖詠

纔入維揚郡鄉關此路遙林藏初過雨風退欲
歸潮江火明沙岸雲帆礙浦橋客衣今日薄寒

氣近來饒

夜渡淮

舟人自相報落日下芳潭夜火連淮市春風滿
客帆水窮滄海畔路盡小山南且喜鄉園近言
榮意未甘

泊舟盱眙

一作常建詩誤

韋建

泊舟淮水次霜降夕流清夜久潮侵岸天寒月
近城平沙依鴈宿候館聽雞鳴鄉國雲霄外誰
堪羈旅情

夕次蔡陽館

孟浩然

日暮馬行疾城荒人住稀聽歌知近楚投館忽
如歸魯堰田疇廣章陵氣色微明朝拜嘉慶須
着老萊衣

途次望鄉

孟浩然

客行愁落日鄉思重相催况在他山外天寒夕
鳥來雪深迷郢路雲暗失陽臺可歎悽惶子高
歌誰為媒

宿武陽卽事

孟浩然

川暗夕陽盡孤舟泊岸初嶺猿相叫嘯潭嶂似
空虛就枕滅明燭扣舷聞夜漁雞鳴問何處人
物是秦餘
夜渡湘水
孟浩然
客舟貪利涉聞裏渡湘川露氣聞芳杜歌聲識
采蓮榜人投岸火漁子宿潭煙行侶時相問潯
陽何處邊

盛唐彙詩卷第七十九

四唐彙詩二百四十九

盛唐彙詩卷第八十

四唐彙詩二百五十

新都

吳勉學 編輯

江晏如 校訂

五言律體

行邁

渡楊子江

一作孟浩然詩

丁仙芝

旌節中流望空波兩畔明林開楊子驛山出潤
州城海盡邊陰靜江寒朔吹生更聞楓葉下淅
瀝度秋聲

晚至鄉亭

鄭德玄

長亭日已暮駐馬暫盤桓山川杳不極徒侶默
相看雲夕荆臺暗風秋郢路寒客心一如此誰
復采芳蘭

宿鐵關西館

岑參

馬汗踏成泥朝馳幾萬蹄雪中行地角火處宿
天倪塞迴心常怯鄉遙夢亦迷那知故園月也
到鐵關西

宿陳留李少府揆廳

祖詠

相知有叔卿訟簡夜彌清旅泊倦愁卧空堂聞
曙更風簾搖燭影秋雨帶蟲聲歸思那堪說悠
悠限洛城

清谿館作

談薺

指途清谿裏左右唯深林雲蔽望鄉處雨愁爲
客心遇人多物役聽鳥時幽音何必滄浪水庶
茲浣塵襟

竹里館

盧象

江南冰不開山澤氣潛通臘月聞山鳥寒崖見

蟄熊柳林春斗合荻笋亂無叢回首金陵岸依
依向北風

楊固店

岑參

客舍梨葉赤鄰家聞擣衣夜來嘗有夢墜淚緣
思歸洛水行欲盡緱山看漸微長安抵千里何
事信音稀

沙苑南頭渡

王昌齡

秋霧連雲白歸心浦淑懸津人空守纜村館復
臨川蓬隔蒼茫雨波連演漾田孤舟未得濟入

夢在何年

客廣陵

王昌齡

樓頭廣陵近九月在南徐秋色明海縣寒煙生
里閭夜帆歸楚客昨日度江書爲問易名叟垂
綸不見魚

郡中客舍

黃麟

蟲響亂啾啾更人正數籌魂歸洞庭夜霜卧洛
陽秋微月有時隱長河到曉流起來還囑鴈鄉
信在吳洲

成都爲客作

田澄

蜀郡將知遠城南萬里橋衣緣鄉淚濕貌以客
愁銷地富魚爲米山芳桂是樵旅遊唯得酒今
日過明朝

漢陽卽事

儲光義

楚國千里遠孰知方寸違春遊歡有客夕寢賦
無衣江水帶冰綠桃花隨雨飛九歌有深意捐
珮乃言歸

渭橋北亭作

儲光義

停車渭橋暮望望入秦京不見鷓鴣道如聞歌
吹聲鄉魂涉江水客路指蒲城獨有故樓月今
來亭上明

登天目山下作

張萬頃

去歲離秦望今冬使楚關淚添天目水髮變海
頭山別毋烏南逝辭兄鴈北還宦遊偏不樂長
爲憶慈顏

秋浦歌

李白

秋浦猿夜愁黃山堪白頭清谿非隴水翻作斷

腸流欲去不得去薄遊成久遊何年是歸日
雨淚下孤舟

千塔主人

王維

逆旅逢佳節征帆未可前
牕臨汴河水門渡楚人船
雞犬散墟落桑榆蔭遠田
所居人不見枕席生雲煙

使至塞上

王維

單車欲問邊屬國過居延
征蓬出漢塞歸鴈入胡天
大漠孤煙直長河落日圓
蕭關逢候吏都

護在燕然

使青夷軍入居庸三首

高適

匹馬行將久征途去轉難
不知邊地別祗訝客衣單
谿冷泉聲苦山空木葉乾
莫言關塞極雲雪尚漫漫

又

古鎮青山口寒風落日時
巖巒鳥不過冰雪馬堪遲
出塞應無策還家賴有期
東山足松桂歸去結茅茨

又

登頓驅征騎棲遲愧寶刀遠行今若此微祿果
徒勞絕坂水連下羣峰雲共高自堪成白首何
事一青袍

輪臺卽事

岑參

輪臺風物異地是古單于三月無青草千家盡
白榆蕃書文字別胡俗語音殊愁見流沙北天
西海一隅

北庭作

岑參

鴈塞通鹽澤龍堆接醋溝孤城天北畔絕域海
西頭秋雪春仍下朝風夜不休可知年四十猶
自未封侯

陝中作

蔡希寂

西別秦關近東行陝服長川原餘讓畔歌吹憶
遺棠河水流域下山雲起路傍更憐棲泊處池
館繞林篁

都中閑居

王羨門

君王巡海內北闕下明臺雲物天中少煙花歲

後來河從御苑出山向國門開寂寞東京裏空
留賈誼才

貶樂城尉日作

張子容

竄謫邊窮海川原近惡谿有時聞虎嘯無夜不
猿啼地煖花長發巖高日易低故鄉可憶處遙
指斗牛西

永嘉作

張子容

拙宦從江左投荒更海邊山將孤嶼近水共惡
谿連地濕梅多雨潭蒸竹起煙未應悲晚髮炎

瘴苦華年

江上逢春

張均

離憂耿未和春慮勿蹉跎擇木猿知去尋泥燕
獨過驚花翻霽日垂柳拂煙波激意屢怡賞無
如鄉念何

岳陽晚景

張均

晚景寒鷗集秋風旅鴈歸水光浮日去霞彩映
江飛洲白蘆花吐園红柿葉稀長沙卑濕地九
月未成衣

他鄉七夕

孟浩然

他鄉逢七夕，旅館益羈愁。
不見穿針婦，空懷故國樓。
緒風初減熱，新月始臨秋。
誰忍窺河漢，迢迢問斗牛。

江上春歎

岑參

臘月江上煖，南橋新柳枝。
春風觸處到，憶得故園時。
終日不如意，出門何所之。
從人覓顏色，自笑弱男兒。

首秋輪臺

岑參

異域陰山外，孤城雪海邊。
秋來唯有鴈，夏盡不聞蟬。
雨拂氍毹墻，濕風搖毳幕。
羶輪臺萬里地，無事歷三年。

寒食卽事

王昌齡

晉陽寒食地，風俗舊來傳。
雨滅龍蛇火，春生鴻鴈天。
泣多流水漲，歌發舞雲旋。
西見之推廟，空爲人所憐。

京中守歲

丁仙芝

守歲多然燭，通宵莫掩扉。
客愁當暗滿，春色向

明歸玉斗巡初匝銀河落漸微開正獻歲酒千
里間庭闈

太原早秋

李白

歲落衆芳歇時當大火流霜威出塞早雲色渡
河秋夢遶邊城月心飛故國樓思歸若汾水無
日不悠悠

和張二自穰縣還途中遇雪

孟浩然

風吹沙海雪漸作柳園春宛轉隨香騎輕盈伴

玉人歌疑郢中客態比洛川神今日南歸楚雙
飛似入秦

同曹三御史泛湖歸越

孟浩然

秋入詩人意巴歌和者稀泛湖同逸旅吟會是
思歸白簡徒推薦滄洲已拂衣杳冥雲外去誰
不羨鴻飛

歸至郢中

孟浩然

遠遊經海嶠返棹歸山阿日夕見喬木鄉關在
伐柯愁隨江路盡喜入郢門多左右看桑土依

然卽匪他

自薊北歸

高適

驅馬薊門北北風邊馬哀蒼茫遠山口豁達胡
天開五將已深入前軍止半迴誰憐不得意長
劍獨歸來

遠東山洛上作

岑參

春流急不淺歸棹去何遲愁容葉舟裏夕陽花
水時雲晴開蟬竦棹發起鷓鴣莫道東山遠衡
門在夢思

臨洮泛舟趙仙舟自北庭罷使還京

岑參

白髮輪臺使邊功竟不成雲沙萬里地孤負一
書生池上風迴舫橋西雨過城醉眠鄉夢罷東
望羨歸程

入喬口

杜甫

漠漠舊京遠遲遲歸路賒殘年傍水國落日對
春華樹密草蜂亂江泥輕燕斜賈生骨已朽悽
惻近長沙

發潭州

杜甫

夜醉長沙酒曉行湘水春岸花飛送客檣燕語
留人賈傅才何有褚公書絕倫名高前後事回
首一傷神

登白馬潭

杜甫

水生春纜沒日出野船開宿鳥行猶去叢花笑
不來人人傷白首處處接金杯莫道新知要南
征且未迴

灑潁堆

杜甫

巨石水中央江寒出水長沈牛答雲雨如馬戒
舟航天意存傾覆神功接混茫干戈連解纜行
止憶垂堂

雙楓浦

杜甫

輟棹青楓浦雙楓舊已摧自驚衰謝力不道棟
梁材浪足浮紗帽皮須載錦苔江邊地有主暫
借上天迴

渡江

杜甫

春江不可渡二月已風濤舟楫歎斜疾魚龍偃

卧高渚花張素錦汀草亂青袍戲問垂綸客悠
悠見汝曹

泊松滋江亭

杜甫

紗帽隨鷗鳥扁舟繫此亭江湖深更白松竹遠
還青一柱全應近高唐莫再經今宵南極外甘
作老人星

泊岳陽城下

杜甫

江國踰千里山城僅百層岸風翻夕浪舟雪灑
寒燈畱滯才難盡艱危氣益增圖南未可料變

化有鯢鵬

銅官渚守風

杜甫

不夜楚帆落避風湘渚間水耕先浸草野火更
燒山早泊雲物晦逆行波浪慳飛來雙白鶴過
去杳難攀

過洞庭湖

杜甫

蛟室圍青草龍堆隱白沙護堤盤古木迎棹舞
神鴉破浪南風正回檣畏日斜湖光與天遠直
欲汎仙槎

宿青草湖

杜甫

洞庭猶在目，青草續為名。
宿漿依農事，郵籤報水程。
寒水爭倚薄，雲月遞微明。
湖鴈雙雙起，人來故北征。

宿白沙驛

杜甫

水宿仍餘照，人煙復此亭。
驛邊沙舊白，湖外草新青。
萬象皆春氣，孤槎自客星。
隨波無限月，的的近南溟。

南征

杜甫

春岸桃花水，雲帆楓樹林。
偷生長避地，適遠更霑襟。
老病南征日，君恩北望心。
百年歌自苦，未見有知音。

去蜀

杜甫

五載客蜀郡，一年居梓州。
如何關塞阻，轉作瀟湘遊。
世事已黃髮，殘生隨白鷗。
安危大臣在，不必淚長流。

自閬州領妻子却赴蜀山行三首

杜甫

汨汨避羣盜悠悠經十年不成向南國復作遊
西川物役水虛照魂傷山寂然我生無倚著盡
室畏途邊

又
長林偃風色迴復意猶迷衫裛翠微潤馬銜青
草嘶棧懸斜避石橋斷却尋谿何日干戈盡飄
飄媿老妻

又
行色遞隱見人煙時有無僕夫穿竹語稚子入

雲呼轉石驚魑魅抨弓落狄鼯真供一笑樂似
欲慰窮途

船下夔州郭宿雨濕不得上岸別王十

二判官

杜甫

依沙宿舸船石瀨月娟娟風起春燈亂江鳴夜
雨懸晨鍾雲外濕勝地石堂煙柔櫓輕鷗外舍
婁覺汝賢

舟中

杜甫

風餐江柳下雨卧驛樓邊結纜排魚網連檣並

米船今朝雲細薄昨夜月清圓飄泊南庭老祗
應學水仙

放船

杜甫

收帆下急水卷幔逐迴灘江市戎戎暗山雲淅
淅寒荒村無徑入獨鳥怪人看已泊城樓底何
曾夜色闌

舟月對驛近寺

杜甫

更深不假燭月朗自明船金刹清楓外朱樓白
水邊城烏啼耿耿野鷺宿娟娟皓首江湖客鈞

簾獨未眠

瞿塘兩崖

杜甫

三峽傳何處雙崖壯此門入天猶石色穿水忽
雲根猿猱鬚髯古蛟龍窟宅尊羲和冬馭近愁
畏日車翻

龍門

杜甫

龍門橫野斷驛樹出城來氣色皇居近金銀佛
寺開往來時屢改川陸日悠哉相閱征塗上生
涯盡幾迴

晚行口號

杜甫

三川不可到歸路晚山稠落鴈浮寒水饑鳥集
戍樓市朝今日異喪亂幾時休遠愧梁江總還
家尚黑頭

盛唐彙詩卷第八十

四唐彙詩二百五十一

盛唐彙詩卷第八十一

四唐彙詩二百五十二

新都

吳勉學 編輯

江晏如 校訂

五言律體

行邁

秦州二十首

杜甫

滿目悲生事因人作遠遊遲迴度隴怯浩蕩及
關愁水落魚龍夜山空鳥鼠秋西征問烽火心
折此淹留

又

秦州城北寺傳是隗囂宮苔蘚山門古丹青野
殿空以明垂葉露雲逐渡谿風清渭無情極愁
時獨向東

又

州圖領同谷驛道出流沙降虜兼千帳居人有
萬家馬驕朱汗落胡舞白題斜年少臨洮子西
來亦自誇

又

鼓角緣邊郡川原欲夜時秋聽殷地發風散入
雲悲抱葉寒蟬靜歸山獨鳥遲萬方聲一槩吾
道竟何之

又

南使宜天馬由來萬匹強浮雲連陣沒秋草徧
山長聞說真龍種仍殘老驪驪哀鳴思戰鬪迴
立向蒼蒼

又

城上胡笳奏山邊漢節歸防河赴滄海奉詔發

金微士苦形骸黑林疎鳥獸稀那堪往來戍恨
解鄴城圍

又

莽莽萬重山孤城山谷間無風雲出塞不夜月
臨關屬國歸何晚樓蘭斬未還煙塵一長望衰
颯正摧顏

又

聞道尋源使從天此路回牽牛去幾許宛馬至
今來一望幽燕隔何時郡國開東征健兒盡羗

笛暮吹哀

又

今日明人眼臨池好驛亭叢篁低地碧高柳半
天青稠疊多幽事喧呼閱使星老夫如有此不
異在郊坰

又

雲氣接崑崙泠泠塞雨繁羗童看渭水使客向
河源煙火軍中幕牛羊嶺上村所居秋草靜正
閉小蓬門

又

蕭蕭古塞冷漠漠秋雲低黃鵠翅垂雨蒼鷹饑
啄泥薊門誰自北漢將獨征西不意書生耳臨
衰厭鼓鞞

又

山頭南郭寺水號北流泉老樹空庭得清渠一
邑傳秋花危石底晚景卧鐘邊俯仰悲身世谿
風爲颯然

又

傳道東柯谷深藏數十家對門藤蓋瓦映竹水
穿沙瘦地翻宜粟陽坡好種瓜船人近相報但
恐失桃花

又

萬古仇池穴潛通小有天神魚人不見福地語
真傳近接西南境長懷十九泉何時一茅屋送
老白雲邊

又

未暇泛滄海悠悠兵馬間塞門風落木客舍雨

連山阮籍行多興龐公隱不還東阿逐踈嬾休
鑷鬚毛斑

又

東柯好崖谷不與衆峯羣落日邀雙鳥晴天卷
片雲野人矜險絕水竹會平分采藥吾將老童
兒未遣聞

又

邊秋陰易夕不復辨晨光簷雨亂淋幔山雲低
度墻鷓鴣窺淺井蚯蚓上深堂車馬何蕭索門

前百草長

又

地僻秋將盡山高客未歸塞雲多斷續邊日少
光輝警急烽常報傳聲檄屢飛西戎外甥國何
得近天威

又

鳳林戈未息魚海路常難候火雲峰峻懸軍幕
井乾風連西極動月過北庭寒故老思飛將何
時議築壇

又

唐堯真自聖野老復何知
曬藥能無婦應門亦有兒
藏書聞禹穴讀記憶仇池
為報鷓行舊鷓鷯在一枝

久客

杜甫

羈旅知交態淹留見俗情
衰顏聊自哂小吏最相輕
去國哀王粲傷時哭賈生
狐狸何足道豺虎正縱橫

江漢

杜甫

江漢思歸客乾坤一腐儒
片雲天共遠永夜月同孤
落日心猶壯秋風病欲蘇
古來存老馬不必取長途

地隅

杜甫

江漢山重阻風雲地一隅
年年非故物處處是窮途
喪亂秦公子悲涼楚大夫
平生心已折行路日荒蕪

遠遊

杜甫

江濶浮高棟雲長出斷山
塵沙連越嶠風雨暗

荆蠻鴈矯銜蘆內猿啼失木間弊裘蘇季子歷
國未知還

避地

杜甫

避地歲時晚竄身筋骨勞詩書遂墻壁奴僕且
旌旄行在僅聞信此生隨所遭神堯舊天下會
見出腥臊

客舊館

杜甫

陳迹隨人事初秋別此亭重來梨葉赤依舊竹
林青風幔何時卷寒砧昨夜聽無由出江漢愁

緒日冥冥

客亭

杜甫

秋牕猶曙色木落更天風日出寒山外江流宿
霧中聖朝無棄物老病已成翁多少殘生事飄
零任轉蓬

客夜

杜甫

客睡何曾著秋天不肯明入簾殘月影高枕遠
江聲計拙無衣食途窮仗友生老妻書數紙應
悉未歸情

薄遊

杜甫

浙浙風生砌團團月隱墻遙空秋鴈滅半嶺暮
雲長病葉多先墜寒花只暫香巴城添淚眼今
夕復清光

遠遊

杜甫

賤子何人記迷方著處家竹風連野色江沫擁
春沙種藥扶衰病吟詩解歎嗟似聞胡騎走失
喜問京華

遊子

杜甫

巴蜀愁誰語吳門興杳然九江春草外三峽暮
帆前厭就成都卜休爲吏部眠蓬萊如可到衰
白問羣仙

雲山

杜甫

京洛雲山外音書靜不來神交作賦客力盡望
鄉臺衰疾江邊卧親朋日暮迴白鷗元水宿何
事有餘哀

南楚

杜甫

南楚青春異暄寒早早分無名江上草隨意嶺

頭雲正月蜂相見非時鳥共聞杖藜妨躍馬不
是故離羣

更題

杜甫

只因踏初雪騎馬發荊州直怕巫山雨真傷白
帝秋羣公蒼玉珮天子翠雲裘同舍晨趨侍胡
爲淹此畱

峽隘

杜甫

聞說江陵府雲沙靜眇然白魚如切玉朱橘不
論錢水有遠湖樹人今何處船青山各在眼却

望峽中天

江上

杜甫

江上日多雨蕭蕭荆楚秋高風下木葉永夜攬
貂裘勲業頻看鏡行藏獨倚樓時危思報主衰
謝不能休

一室

杜甫

一室他鄉遠空林暮景懸正秋聞塞笛獨立見
江船巴蜀來多病荆蠻去幾年應同王粲宅畱
井峴山前

從驛次草堂復至東屯茅屋二首

杜甫

峽裏歸田客江邊借馬騎非尋戴安道似向習
家池峽險風煙僻天寒橘柚垂築場看斂積一
學楚人爲

又

短景難高卧衰年強此身山家蒸栗煖野飯射
麋新世路知交薄門庭畏客頻牧童斯在眼田
父實爲鄰

入宅三首

杜甫

奔峭背赤甲斷崖當白鹽客居愧遷次春色漸
多添花亞欲移竹鳥窺新卷簾衰年不敢恨勝
槩欲相兼

又

亂後居難定春歸客未還水生魚復浦雲煖麝
香山半頂梳頭白過眉拄杖斑相看多使者一
一問函關

又

宋玉歸州宅雲通白帝城吾人淹老病旅食豈
才名峽口風常急江流氣不平只應與兒子飄
轉任浮生

卜居

杜甫

歸羨遼東鶴吟同楚執珪未成遊碧海著處覓
丹梯雲障寬江北春耕破灤西桃紅客若至定
似昔人迷

移居公安山館

杜甫

南國晝多霧北風天正寒路危行木杪身遠宿

雲端山鬼吹燈滅厨人語夜闌雞鳴問前館世
亂敢求安

移居夔州郭

杜甫

伏枕雲安縣遷居白帝城春知催柳別江與放
船清農事聞人說山光見鳥情禹功饒斷石且
就上微平

暫住白帝復還東屯

杜甫

復作歸田去猶殘穫稻功築場憐穴蟻拾穗許
村童落杵光輝白除莠子粒紅加餐可扶老倉

庾慰飄蓬

自灤西荆扉且移居東屯茅屋四首

杜甫

白鹽危嶠北赤甲古城東平地一川穩高山四面同煙霜淒野日秔稻熟天風人事傷蓬轉吾將守桂叢

又

東屯復灤西一種住青谿來往皆茅屋淹留爲稻畦市喧宜近利林僻此無蹊若訪衰翁語須

令贖客迷

又

道北馮都使高齋見一川子能渠細石吾亦沼清泉枕帶還相似柴荆卽有焉斫畚應費日解纜不知年

又

牢落西江外參差北戶間久遊巴子國卧病楚人山幽獨移佳境清深隔遠關寒空見鷓鴣回首憶朝班

盛唐彙詩卷第八十一

四唐彙詩一百五十一

盛唐彙詩卷八十二

四唐彙詩一百五十二

新都

吳勉學 編輯

江晏如 校訂

五言律體

古跡

過老子廟

玄宗

仙居懷聖德靈廟肅神心
草合人蹤斷塵濃鳥跡深
流沙丹竈沒關路紫煙沈
獨傷千載後空餘松柏林

盛唐書言 卷八十二
經魯祭孔子而歎之

玄宗

夫子何爲者栖栖一代中地猶鄆氏邑宅卽魯
王宮歎鳳嗟身否傷麟怨道窮今看兩楹奠當
與夢時同

臨江亭五詠

并序

儲光義

建業爲都舊矣晉主來此而禮物盡備雖云
在德亦云在險京口其地也嗚呼有邦國者
有興亡焉自晉及陳五世而滅以今懷古五
篇爲詠臨江亭得其勝槩寄以興言雖未及

乎辯士亦其志也

晉家南作帝京鎮北爲關江水中分地城樓下
帶山金陵事已往青蓋理無還落日空亭上愁
看龍尾灣

又

山橫小苑前路盡大江邊此地興王業無如宋
主賢潮生建業水風散廣陵煙直望清波裏祗
言別有天

又

城頭落暮暉城外搗秋衣江水青雲挹蘆花白
雪飛南州王氣疾東國海風微借問商歌客年
年何處歸

又

古木嘯寒禽層城帶夕陰梁園多綠樹楚岸盡
楓林山際空爲險江流長自深平生何以恨天
地本無心

又

京山千里過孤憤望中來江勢將天合城門向

水開落霞明楚岸夕露濕吳臺去去無相識陳
皇安在哉

過始皇墓

王維

古墓成蒼嶺幽宮象紫臺星辰七曜隔河漢九
泉開有海人寧渡無春鴈不廻更聞松韻切疑
是大夫哀

西塔寺陸羽茶泉

裴迪

竟陵西塔寺蹤跡尚空虛不獨支公住曾經陸
羽居草堂荒產蛤茶井冷生魚一汲清泠水高

風味有餘

尋陳逸人故居

孟浩然

人事一朝盡荒蕪三徑休始聞漳浦卧奄作岱
宗遊池水猶含墨風雲已落秋今宵泉壑裏何
處覓藏舟

緱山廟

崔曙

遺廟宿陰陰孤峰應綠林步隨仙路遠意入道
門深澗水流年月山雲變古今祗聞風竹裏猶
有鳳笙音

謁老君廟

李白

先君懷聖德靈廟肅神心草合人蹤斷塵濃鳥
跡深流沙丹竈滅關路紫煙沈獨傷千載後空
餘松柏林

同諸公謁啓母祠

崔曙

闕宮凌紫微芳草閉閑扉帝子復何在王孫遊
不歸春風鳴玉珮暮雨拂靈衣豈但湘江口能
令懷二妃

金陵三首

李白

晉家南渡日此地舊長安地卽帝王宅山爲龍
虎盤金陵空壯觀天塹淨波瀾醉客迴橈去吳
歌且自歡

又

地擁金陵勢城廻江水流當時百萬戶夾道起
朱樓亡國生春草王宮沒古丘空餘後湖風波
上對瀛洲

又

六代興亡國三杯爲爾歌苑方秦地小山似洛

陽多古殿吳花草深宮晉綺羅併隨人事滅東
逝只滄波

夜泊牛渚懷古

李白

牛渚西江夜青天無片雲登舟望秋月空憶謝
將軍余亦能高詠斯人不可聞明朝挂帆席楓
葉落紛紛

謝公亭

李白

謝亭離別處風景每生愁客散青天月山空碧
水流池花春映日牕竹夜鳴秋今古一相接長

歌懷舊遊

宿巫山下

李白

昨夜巫山下猿聲夢裏長
桃花飛綠水三月下瞿塘
雨色風吹去南行逐楚王
高丘懷宋玉訪古一霑裳

長寧公主舊山池

丁仙芝

平陽舊池館寂寞使人愁
座卷流黃簾簾垂白玉鈎
庭閑花自落門閉水空流
追想吹簫處應隨仙鶴遊

陪宋中丞武昌夜飲懷古

李白

清景南樓夜風流在武昌
庾公愛秋月乘興坐胡牀
龍笛吟寒水天河落曉霜
我心還不淺懷古醉餘觴

石鏡

杜甫

蜀王將此鏡送死置空山
冥寞憐香骨提攜近玉顏
衆妃無復歎千騎亦虛還
獨有傷心石埋輪月宇間

琴臺

杜甫

茂陵多病後尚愛卓文君酒肆人間世琴臺日
暮雲野花畱寶壓蔓草見羅裙歸鳳求凰意寥
寥不復聞

滕王亭子

杜甫

寂寞春山路君王不復行古牆猶竹色虛閣自
松聲鳥鵲荒村暮雲霞過客情尚思歌吹入千
騎把霓旌

玉臺觀

杜甫

浩劫因王造平臺訪古遊絲雲蕭史駐文字魯

恭畱宮闕通羣帝乾坤到十洲人傳有笙鶴時
過北山頭

禹廟

杜甫

禹廟空山裏秋風落日斜荒庭垂橘柚古屋畫
龍蛇雲氣生虛壁江聲走白沙早知乘四載疏
鑿控三巴

公安縣懷古

杜甫

野曠呂蒙營江深劉備城寒天催日短風浪與
雲平灑落君臣契飛騰戰伐名維舟倚前浦長

嘯一含情

湘夫人祠

杜甫

肅肅湘妃廟空牆碧水春蟲書玉珮
蘇燕舞翠帷塵晚泊登汀樹微馨借渚蘋
蒼梧恨不盡淚染在叢筠

瞿塘懷古

杜甫

西南萬壑注勅敵兩崖開地與山根裂
江從月窟來削成當白帝空曲隱陽臺
䟽鑿功雖美陶鈞力大哉

祠南夕望

杜甫

百丈牽江色孤舟泛日斜興來猶杖屨
目斷更雲沙山鬼迷春竹湘娥倚暮花
湖南清絕地萬古一長嗟

過宋員外之問舊莊

杜甫

宋公舊池館零落首陽阿枉道秭從入
吟詩許更過淹畱問耆老寂寞向山河
更識將軍樹悲風日暮多

過故斛斯校書莊二首

杜甫

此老已云歿鄰人嗟未休竟無宣室名徒有茂
陵求妻子寄他食園林非昔遊空餘總帷在浙
浙野風秋

又

燕入非傷舍鷗歸祗故池斷橋無復板卧柳自
生枝遂有山陽作多慙鮑叔知素交零落盡白
首淚雙垂

憑孟倉曹將書覓士婁舊莊

杜甫

平居喪亂後不到洛陽岑爲歷雲山問無辭荆
棘深北風黃葉下南浦白頭吟十載江湖客茫
茫遲暮心

巫山之陽香谿之陰明妃神女舊跡存

馬

蔣冽

神女歸巫峽明妃入漢宮搗衣餘石在薦枕舊
臺空行雨有時度谿流何日窮至今詞賦裏悽
愴寫遺風

昌年宮作

豆盧復

盛唐彙詩 卷八十二
但有離宮處君王每不居旗門芳草合輦路小
槐疎殿閉山煙滿窓凝野靄虛豐年多望幸春
色待鑾輿

盛唐彙詩卷第八十二

四唐彙詩二百五十二

唐彙詩卷第八十三

四唐彙詩二百五十三

新都

吳勉學 編輯

江晏如 校訂

五言律體

燕遊

麗正殿賜宴同勒天前煙年四韻應制

王灣

金殿忝陪賢瓊羞忽降天鼎羅仙掖裏觴拜瑣
闈前院逼青霄路厨和紫禁煙酒酣空竹舞何

以荅昌年

同望幸新亭賜錢公宴

李愷

感夢通玄化覃恩降紫宸賜錢開漢府分帛醉
堯人地隔朝宗慶亭臨卜洛新行看廣雲雨二
月次東巡

奉和聖製賜史供奉曲江讌應制

王維

侍從有鄒枚瓊筵就水開言陪柏梁宴新下建
章來對酒山三滿移舟草樹迴天文同麗日駐

景惜行杯

從岐王夜讌衛家山池應教

王維

座客香貂滿宮娃綺幔張澗花輕粉色山月少
燈光積翠紗牕暗飛泉繡戶涼還將歌舞出歸
路莫愁長

與盧象集朱家

王維

主人能愛客終日有逢迎貫得新豐酒復聞秦
女箏柳條踈客舍槐葉下秋城語笑且爲樂吾

將達此生

雲陽驛陪使君郤道士夜宴

張子容

一尉東南遠誰知此方歡諸侯傾皂蓋仙客整
黃冠染翰燈花滿飛觴雲氣寒欣承國士遇更
借美人看

宴榮二山池

一題作宴榮
山人池亭

孟浩然

甲第開金穴榮期樂自多櫪嘶支遁馬池養右
軍鵝竹引攜琴入花邀載酒過山公來取醉時

唱接離歌

盧明府早秋宴張郎中海園即事得秋

字

一作盧
象詩

孟浩然

邑有絃歌宰翔鸞已狎鷗眷言華省舊暫拂海
池遊鬱鳥藏深竹前谿對舞樓更聞書即事雲
物是新秋

同盧明府早秋宴張郎中海亭

孟浩然

側聽絃歌宰文書游夏徒故園欣賞竹為邑幸

來蘇華省曾聯事仙舟復與俱欲知臨泛久荷
露漸成珠

寒夜張明府宅宴 孟浩然

瑞雪初盈尺閑宵始半更列筵邀酒伴刻燭限
詩成香炭金爐暖嬌絃玉指清醉來方欲卧不
覺曉雞鳴

清明日宴梅道士房 孟浩然

林卧愁春盡開軒覽物華忽逢青鳥使邀我赤
松家金竈初開火仙桃正落花童顏若可駐何

惜醉流霞

今日宴張別駕新齋 孟浩然

世業傳珪組江城佐股肱高齋徵學問虛薄濫
先登講論陪諸子文章得舊朋士元多賞激衰
病恨無能

夏日與崔二十一同集衛明府宅

言避一時暑池亭五月開喜逢金馬客同飲玉
人松舞鶴乘軒至遊魚擁釣來座中殊未起簫

管莫相催

歲除夜會樂城張少府宅

孟浩然

疇昔通家好相知無間然續明催畫燭守歲接
長筵舊曲梅花唱新正柏酒傳客行隨處樂不
見度年年

同崔員外綦毋拾遺九日宴京兆府李

士曹

高適

今日好相見羣賢仍廢曹晚晴催翰墨秋興引
風騷絳葉擁虛砌黃花隨濁醪閉門無不可何

事更登高

同李太守北池泛舟宴高平鄭太守

高適

每揖龔黃事還陪李郭舟雲從四岳起水向百
城流幽意隨登陟嘉言卽獻酬乃知縫掖貴今
日對諸侯

奉陪封大夫宴得征字時封公兼鴻臚

卿

岑參

西邊虜盡平何處更專征幕下人無事軍中政

已成座參殊俗語樂雜異方聲醉裏東樓月偏
能照列卿

梁州陪趙行軍龍岡寺北庭泛舟宴王

侍御得長字

岑參

誰宴霜臺使行軍粉署郎唱歌江鳥沒吹笛岸
花香酒影搖新月灘聲聒夕陽江鐘聞已暮歸
棹綠川長

行軍雪後月夜宴王卿家 岑參

子夜雪華餘卿家月影初酒香薰枕席鑪氣煖

軒除晚歲宦情薄行軍歡宴踈相逢剩取醉身
外盡空虛

陪封大夫宴瀚海亭納涼 岑參

細管雜青絲千杯倒接羅軍中乘興出海上納
涼時日沒鳥飛急山高雲過遲吾從大夫後歸
路擁旌旗

早春陪崔中丞同泛浣花谿宴

岑參

旌節臨谿口寒郊陡覺暄紅亭移酒席畫舸逗

江村雲帶歌聲颺風飄舞袖翻花間催秉燭川
上欲黃昏

春日醴泉杜明府承恩五品宴席上賦

詩

岑參

見鳥舊稱仙鴻私降自天青袍移草色朱綬奪
花然邑裏雷仍震臺中星欲懸吾兄此棲棘因
得賀初筵

同羣公十月朝宴李太守宅

高適

良牧徵高賞秦唯問考樂歲時當正月甲子入
初寒已聽甘棠頌欣陪旨酒歡仍憐門下客不
作布衣看

喜華陰王少府使到南池宴集

岑參

有客至鈴下自言身姓梅仙人掌裏使黃帝鼎
邊來竹影拂棋局荷香隨酒杯池前堪醉卧待
月未須回

虢州西亭陪端公宴集

岑參

紅亭出鳥外，駿馬繫雲端。萬嶺牕前睥，千家肘底看。開瓶酒色嫩，踏地葉聲乾。爲逼霜臺使，重裘也覺寒。

暮秋會嚴京兆後廳竹齋 岑參

京兆小齋寬，公庭半藥欄。甌香茶色嫩，牕冷竹聲乾。盛德中朝貴，清風畫省寒。能將吏部鏡，照取寸心看。

宴陳十六樓

李頎

西樓對金谷，此地古人心。白日落庭內，黃花生

澗陰。四鄰見疎木，萬井度寒砧。石上題詩處，千年畱至今。

宴吳王宅

祖詠

吳王承國寵，列第禁城東。連夜徵詞客，當春試舞童。砌分池水岸，牕度竹林風。更待西園月，金樽樂未終。

對酒曲二首

賈至

梅發柳依依，黃鸝歷亂飛。當歌憐景色，對酒惜芳菲。曲水浮花氣，流風散舞衣。通宵畱暮雨，上

客莫言歸

又

春來酒味濃舉酒對春叢一酌千憂散三杯萬
事空放歌乘美景醉舞向東風寄語尊前客生
涯任轉蓬

岳陽樓宴王負外貶長沙

一題作南
州有贈

賈至

極浦三春草高樓萬里心楚山晴靄碧湘水暮
流深忽與朝中舊同為澤畔吟停杯試北望還

欲淚沾巾

楚江黃龍磯南宴楊執戟治樓

李白

五月入五洲碧山對青樓故人楊執戟春賞楚
江流一見醉漂月三杯歌棹謳桂枝攀不盡他
日更相求

流夜郎至江夏陪長史叔及薛明府宴

興德寺南閣

李白

紺殿橫江上青山落鏡中岸迴沙不盡日映水

成空天樂流香閣蓮舟颺晚風恭陪竹林宴留
醉與陶公

宴陶家亭子

李白

曲巷幽人宅高門大士家池開照膽鏡林吐破
顏花綠水藏春日青軒秘晚霞若聞絃管妙金
谷不能誇

宴王使君宅題二首

杜甫

漢主追韓信蒼生起謝安吾徒自飄泊世事各
艱難逆旅招邀近他鄉意緒寬不才甘朽質高

卧豈泥蟠

又

汎愛容霜鬢留歡上夜關自吟詩送老相勸酒
開顏戎馬今何地鄉園獨在山江湖墮清月醪
酌任扶還

季秋蘇五弟纓江樓夜宴崔十三評事

韋少府姪三首

杜甫

峽險江驚急樓高月迴明一時今夕會萬里故
鄉情星落黃姑渚秋辭白帝城老人因病酒堅

坐看君傾

又

明月生長好浮雲薄漸遮悠悠照邊塞悄悄憶
京華清動杯中物高隨海上槎不眠瞻白兔首
過落烏紗

又

對月那無酒登樓况有江聽歌驚白鬢笑舞拓
秋牕樽蟻添相續沙鷗並一雙盡憐君醉倒更
覺片心降

宴胡侍御書堂

杜甫

江湖春欲暮牆宇日猶微閭閻書籍滿輕輕花
絮飛翰林名有素墨客興無違今夜文星動吾
儕醉不歸

春夜峽州田侍御長史津亭留宴得筵

字

杜甫

北斗三更席西江萬里船杖藜登水榭揮翰宿
春天白髮須多酒明星惜此筵始知雲雨峽忽
盡下牢邊

夜宴左氏莊

杜甫

風林纖月落衣露淨琴張暗水流花逕春星帶
草堂檢書燒燭短看劔引杯長詩罷聞吳詠扁
舟意不忘

李監宅二首

杜甫

尚覺王孫貴豪家意頗濃屏開金孔雀褥隱繡
芙蓉且食雙魚美誰看異味重門闌多喜色女
壻近乘龍

又

華館春風起高城煙柳開雜花分戶照嬌燕入
簾迴一見能傾座虛懷只愛才鹽官雖絆驥名
是漢庭來

陪王侍御宴通泉東山野亭

杜甫

江水東流去清樽日復斜異方同宴賞何處是
京華亭景臨山水村煙對浦沙狂歌遇形勝得
醉卽爲家

宴戎州楊使君東樓

杜甫

勝絕驚身老情忘發興奇座從歌妓密樂任主人爲重碧拈春酒輕紅擘荔枝樓高欲愁思橫笛未休吹
宴忠州使君姪宅
出守吾家姪殊方此日歡自須遊阮巷不是怕湖灘樂助長歌逸杯饒旅思寬昔曾如意舞牽率強爲看

與鄆縣源大少府宴漢陂得寒字

杜甫

應爲西陂好金錢罄一餐飯抄雲子白瓜嚼水精寒無計迴船下空愁避酒難主人情爛熳持
峇翠琅玕

和江陵宋大少府暮春雨後同諸公及

舍弟宴書齋

杜甫

渥洼汗血種天上麒麟兒才士得神秀書齋聞爾爲棣華晴雨好綵服暮春宜朋酒日歡會老夫今始知

雲安九日鄭十八攜酒陪諸公宴

寒花開已盡菊葉獨盈枝舊摘人頻異輕香酒
暫隨地偏初衣袷山擁更登危萬國皆戎馬酣
歌淚欲垂

杜甫

崔駙馬山亭宴集

杜甫

蕭史幽棲地林間踏鳳毛
泱流何處入亂石閉
門高客醉揮金椀詩成得錦袍
清秋多宴會終日困香醪

劉九法曹鄭瑕丘石門宴集

杜甫

秋水清無底蕭然淨客心
掾曹乘逸興鞍馬到
荒林能吏逢聯壁華筵直一金
晚來橫吹好泓下亦龍吟

上巳日徐司錄林園宴集

杜甫

鬢毛垂領白花蘂亞枝紅
歌倒衰年廢招尋令
節同薄衣臨積水吹面受和風
有喜留攀桂無勞問轉蓬

陪李金吾花下飲

杜甫

勝地初相飲徐行得自娛見輕吹鳥毳隨意數
花鬚細草稱偏坐香醪懶再沽醉歸應犯夜可
怕李金吾詞意亦同風竹喜雷聲
王十五前閣會
杜甫
楚岸收新雨春臺引細風情人來石上鮮鱸出
江中鄰舍煩書札肩輿強老翁病身虛俊味何
幸飲兒童

九日楊奉先會白水崔明府

杜甫

今日潘懷縣同時陸浚儀坐開桑落酒來把菊
花枝天宇清霜淨公堂宿霧披晚酣留客舞鳧
鳥共差池

九日諸人集于林

杜甫

九日明朝是相要舊俗非老翁難早出野客幸
知歸舊采黃花賸新梳白髮微謾看年少樂忍
淚已霑衣

早春陪崔中丞浣花谿宴得暄字

張謂

旌節臨谿口寒郊陡覺暄紅亭移酒席畫鷁逗
江村雲帶歌聲颺風飄舞袖翻花間催秉燭川
上欲黃昏

郡南亭子宴

張謂

亭子春城外朱門向綠林柳枝經雨重松色帶
煙深漉酒迎山客穿池集水禽白雲常在野聊
足慰人心

夜同宴用人字

張謂

北斗回新歲東園值早春竹風能醒酒花月解

畱人邑宰陶元亮山家鄭子真平生頗同道相
見日相親

讌鄭伯璵宅

張謂

正月風光好逢君上客稀曉風催鳥嘯春雪帶
花飛堂上吹金管庭前試舞衣俸錢供酒債行
子未須歸

九月九日李蘇州東樓宴

獨孤及

是菊花開日當君乘興秋風前孟嘉帽月下庾
公樓酒解畱征客歌能破別愁醉歸無以贈祗

奉萬年酬

李卿東池夜宴得池字

獨孤及

政成機不擾心愜宴忘疲去燭延高月頃壘就
小池舞盤迴雪動絃奏躍魚隨自是山公興誰
令下士知

蕭文學山池宴集

獨孤及

檀欒千畝綠知是辟疆園遠岫當庭戶諸花覆
水源主人邀盡醉林鳥助狂言莫問愁多少今
皆付酒樽

四唐彙詩二百五十三

盛唐彙詩卷第八十四

四唐彙詩二百五十四

新都

吳勉學 編輯

江晏如 校訂

五言律體

燕遊

過大哥宅

探得哥
字韻

玄宗

魯衛情先重親賢愛轉多冕旒豐暇日乘景暫
經過戚里申高宴平臺奏雅歌復尋為善樂方
驗保山河

同玉真公主過大哥山池 玄宗

地有招賢處人傳樂善名
鷺池臨九達龍岫對
層城桂月先秋冷蘋風向晚清
鳳樓遙可見彷彿玉簫聲

奉和華清宮觀行香應制 崔國輔

天子藻珠宮樓臺碧落通
豫遊皆汗漫齋處卽
崆峒雲物三光裏君臣一氣中
道言何所說寶歷自無窮

侍從遊宿溫泉宮作 李白

羽林十二將羅列應星文
霜仗懸秋月霓旌卷
夜雲嚴更千戶肅清樂九天聞
日出瞻佳氣葱葱繞聖君

奉和登會昌山應制 一作錢起詩

趙起

睿想入希夷真游到具茨
玉鸞登障遠雲輅出
花遲泉壑凝神處陽和布澤時
六龍多順動四海正雍熙

和尹恣秋夜遊滄湖二首 張均

遠水沈西日寒沙聚夜鷗平湖乘月滿飛棹接
星流黃葉鳴淒吹蒼葭掃暗洲願移滄浦賞歸
待賴川遊

又

灣潭幽意深杳靄涌寒岑石痕秋水落嵐氣夕
陽沈澄徹天爲底淵玄月作心青谿非大隱歸
弄白雲潯

九日巴丘登高

張均

客心驚暮序賓鴈下滄洲共賞重陽節言尋戲

馬遊湖風扶戍柳江雨暗山樓且酌東籬酒聊
祛南國憂

秋夜陪張丞相趙侍御遊滄湖二首

序

尹恣

燕公以蓋司馬初到趙侍御客焉聿理方舟
嬉遊滄壑覽山川之異探泉石之竒騁望崇
朝畱樽待月一時之樂豈不盛歟賦詩者列
之於左

熊軾巴陵地鷁舟湘水潯江山與勢遠泉石自

幽深杳靄入天壑冥茫見道心超然無俗事清
宴有空林

又

江上饒奇山嶺羅雲水間風秋樹色雜苔古石
文斑巴俗將千澹滄湖凡幾灣嬉遊竟不盡乘
月汎舟還

和張燕公湘中九日登高陰行先

重陽初啓節無射正飛灰寂寞風蟬至連翩霜
鴈來山棠紅葉下岸菊紫花開今日相公座多

愧孟嘉才

宿香山閣

一作賈
彥璋詩

賀朝

暝望春山閣梯雲宿半空軒牕閉潮海枕席拂
煙虹朱網防棲鶴紗燈護夕蟲一聞雞唱曉已
見日瞳瞳

泛永嘉江日暮廻舟

張子容

無雲天欲暮輕鷁大江清歸路煙中遠廻舟月
上行傍潭窺竹暗出嶼見沙明更值微風起乘
流絲管聲

苑外至龍興院作

儲光羲

朝遊天苑外忽見法筵開
山勢當空出雲陰滿
地來踈鐘清月殿幽梵靜
花臺日暮香林下飄
飄仙步廻

石甕寺

儲光羲

遙山起真宇西向盡花林
下見宮殿小上看廊
廡深苑花落池水天語聞
松音真子又知我焚
香期化心

張谷田舍

儲光羲

縣官清且儉深谷有人家
一徑入寒竹小橋穿
野花確喧春澗滿梯倚綠
桑斜自說年來稔前
村酒可賒

從岐王過楊氏別業應教

王維

楊子談經所淮王載酒過
興闌啼鳥換坐久落
花多逕轉廻銀燭林開散
玉珂嚴城時未啓前
路擁笙歌

登裴秀才迪小臺

王維

端居不出戶滿目望雲山
落日鳥邊下秋原人

外閑遙知遠林際不見此簷間
好客多乘月應門莫上關

登河北城樓作

王維

井邑傳巖上客亭雲霧間
高城眺落日極浦映蒼山
岸火孤舟宿漁家夕鳥還
寂寥天地暮心與廣川閑

登辨覺寺

王維

竹徑從初地蓮峰出化城
牕中三楚盡林上九江平
軟草乘跌生長松響梵聲空
居法雲外觀

世得無生

涼州郊外遊望

王維

野老纔三戶邊村少四鄰
婆娑依里社簫鼓賽田神
灑酒澆芻狗焚香拜木人
女巫紛屢舞羅襪自生塵

漢江臨汎

王維

楚塞三湘接荆門九派通
江流天地外山色有無中
郡邑浮前浦波瀾動遠空
襄陽好風日雷醉與山翁

汎前陂

王維

秋空自明迴，況復遠人間。
暢以沙際鶴，兼之雲外山。
澄波澹將夕，清月皓方閑。
此夜任孤棹，夷猶殊未還。

春日上方卽事

王維

好讀高僧傳，時看辟穀方。
鳩形將刻杖，龜殼用支牀。
柳色春山映，梨花夕鳥藏。
北牕桃李下，閑坐但焚香。

終南山

王維

太乙近天都，連山到海隅。
白雲迴望合，青靄入看無。
分野中峰變，陰晴衆壑殊。
欲投人處宿，隔水問樵夫。

韋給事山居

王維

幽尋得此地，詎有一人曾。
大壑隨階轉，羣山入戶登。
庖厨出深竹，印綬隔垂藤。
卽事辭軒冕，誰云病未能。

遊李山人所居因題屋壁

王維

世人皆如夢，狂來或自歌。
問年松樹老，有地竹

林多藥倩韓康賣門容尚子過翻嫌枕席上無
那白雲何

和尹諫議史館山池

王維

雲館接天居霓裳侍玉除春池百子外芳樹萬
年餘洞有仙人錄山藏太史書君恩深漢帝且
莫上空虛

歸嵩山作

王維

清川帶長薄車馬去閑閑流水如有意暮禽相
與還荒城臨古渡落日滿秋山迢遞高高下歸

來且閉關

歸輞川作

王維

谷口疎鐘動漁樵稍欲稀悠然遠山暮獨向白
雲歸菱蔓弱難定楊花輕易飛東臯春草色惆
悵掩柴扉

過香積寺

王維

不知香積寺數里入雲峰古木無人逕深山何
處鐘泉聲咽危石日色冷青松薄暮空潭曲安
禪制毒龍

過感化寺曇興上人山院 王維
暮持筇竹杖相待虎谿頭
催客聞山響歸房逐
水流野花叢發好谷鳥
一聲幽夜坐空林寂松
風直似秋

過福禪師蘭若

王維

巖壑轉微逕雲林隱法堂
羽人飛奏樂天女跪
焚香竹外風偏曙藤陰
水更涼欲知禪坐久行
路長春芳

過崔附馬山池

王維

畫樓吹笛妓金椀酒家胡
錦石稱貞女孝以松學
大夫脫貂貫桂醕射鴈與
山厨聞道高咀會愚
公谷正愚

遊感化寺曇興上人山院 裴迪

不遠灞陵邊安居向十年
入門穿竹徑畱客聽
山泉鳥嘯深林裏心閑
落照前浮名竟何益從
此願棲禪

登潤州城

丘爲

天末江城晚登臨客望迷
春潮平島嶼殘雨隔

虹蜺鳥與孤帆遠煙和獨樹低鄉山何處是目
斷廣陵西

尋天台山

孟浩然

吾友太乙子餐霞臥赤城欲尋華頂去不憚惡
谿名歇馬憑雲宿揚帆截海行高高翠微裏遙
見石梁橫

與諸子登峴山作

孟浩然

人事有代謝往來成古今江山留勝跡我輩復
登臨水落魚梁淺天寒夢澤深羊公碑字在讀

罷淚沾巾

與杭州薛司戶登梓亭樓

一作梓亭驛

作

孟浩然

水樓一登眺半出青林高帟幕英僚敞芳筵下
客叨山藏伯禹穴城壓伍胥濤今日觀溟漲垂
綸學釣鼈

陪張丞相登嵩陽樓

孟浩然

獨步人何在嵩陽有故樓歲寒問耆舊行縣擁
諸侯林莽北彌望沮漳東會流客中遇知己無

復越鄉憂

與顏巖登障樓一作樟亭望潮作

孟浩然

百里聞雷震鳴弦暫輟彈府中連騎出江上待
潮觀照日秋雲迴浮天渤澥寬驚濤來似雪一
坐凜生寒

陪獨孤使君同與蕭員外證登萬山亭

孟浩然

萬山青嶂曲千騎使君遊神女鳴環珮仙郎接

獻酬遍觀雲夢野自愛江城樓何必東南守空
傳沈隱侯

秋登張明府海亭

孟浩然

海亭秋日望委曲見江山染翰聊題壁傾壺一
解顏歌逢彭澤令歸賞故園間予亦將琴史栖
遲其取閒

臨洞庭

一作望洞庭
湖贈張丞相

孟浩然

八月湖水平涵虛混太清氣蒸雲夢澤波撼岳
陽城欲濟無舟楫端居恥聖明坐觀垂釣者空

有羨魚情

武陵泛舟

孟浩然

武陵川路狹前棹入花林
莫測幽源裏仙家信
幾深水迴青嶂合雲度綠谿陰
坐聽閑猿嘯彌清塵外心

夏日浮舟過陳大水亭

孟浩然

水亭涼氣多閑棹晚來過
澗影見松竹潭香聞芰荷
野童扶醉舞山鳥助酣歌
幽賞未云徧煙光奈夕何

與白明府遊江

孟浩然

故人來自遠邑宰復初臨
執手恨爲別同舟無異心
浴洄洲渚趣演漾絃歌音
誰爲躬耕者年年梁甫吟

遊鳳林寺西嶺

孟浩然

共喜年華好來遊水石間
煙容開遠樹春色滿幽山
壺酒朋情洽琴歌野興閑
莫愁歸路暝招月伴人還

秋日陪李侍御渡松滋江

孟浩然

南紀西江闊皇華御史雄截流寧假楫挂席自
生風僚案爭攀鷁魚龍亦避驄坐聽白雪唱翻
入棹歌中

遊精思觀迴望白雲在後 孟浩然

出谷未停午至家日已曛迴瞻下山路但見牛
羊羣樵子暗相失草蟲寒不聞衡門猶未掩佇
立望夫君

與張折衝遊耆闍寺 孟浩然

釋子彌天秀將軍武庫才橫行塞北盡獨步漢

南來貝葉傳金口山樓作賦開因君振嘉藻江
楚氣雄哉

遊景空一作光寺蘭若 孟浩然

龍象經行處山腰度石關屢迷青嶂合時愛綠
蘿閑宴息花林下高談竹嶼間寥寥隔塵事疑
是入雞山

宿立公房 孟浩然

支遁初求道深公笑買山何如石巖趣自入戶
庭間苔澗春泉滿蘿軒夜月閑能令許玄度吟

卧不知還

姚開府山池

孟浩然

主人新邸第相國舊池臺
館是招賢闕樓因教舞
開軒車人已散簫管鳳
初來今日龍門下誰知
文舉才

梅道士水亭

孟浩然

傲吏非凡吏名流卽道流
隱居不可見高論莫能
酬水接仙源近山藏鬼
谷幽再來迷處所花下
問漁舟

夏日辨玉法師茅齋

孟浩然

夏日茅齋裏無風坐亦涼
竹林深笋穉藤架引梢
長燕窠巢窠處蜂來造
蜜房物華皆可玩花藥
四時芳

九日得新字

孟浩然

初九未成旬重陽卽此晨
登高聞古事載酒訪幽
人落帽恣歡飲授衣同
試新茱萸正可佩折取
寄情親

和賈主簿并九日登峴山
孟浩然

楚萬重陽日羣公賞讌來共乘休沐暇同醉菊
花杯逸思高秋發歡情落景催國人咸寡和遙
愧洛陽才

和張明府登鹿門作

孟浩然

忽示登高作能寬旅寓情絃歌既多暇山水思
微清草得風光動虹因雨氣成謬承巴俚和非
敢應同聲

尋白鶴巖張子容隱居

孟浩然

白鶴青巖半幽人有隱居階庭空水石井壑罷

樵漁歲月青松老風霜苦竹踈覩茲懷舊業廻
策返吾廬

尋張五廻夜園作

孟浩然

聞就龐公隱移居近洞湖興來林是竹歸臥谷
名愚挂席樵風便開軒琴月孤歲寒何用賞霜
露故園蕪

陪李侍御訪聰上人禪居

孟浩然

欣逢柏臺友共謁聰公禪石室無人到繩牀見
虎眠陰崖常抱雪枯澗爲生泉出處雖云異同

歡在法筵

過故人莊

孟浩然

故人具雞黍邀我至田家
綠樹村邊合青山郭
外斜開筵面場圃把酒活
桑麻待到重陽日還
來就菊花

過景空寺故融公蘭若

孟浩然

池上青蓮宇林間白馬泉
故人成異物過客獨
潸然既禮新松塔還尋
舊石筵平生竹如意猶
挂草堂前

四唐彙詩一百五十四

